

## Հետազոտական աշխատանք

<p><b>Կազմակերպության տվյալներ</b></p> <ul style="list-style-type: none"> <li>• Անվանում, հասցե</li> <li>• Տնօրեն</li> <li>• Էլ. հասցե</li> <li>• Հեռախոս</li> </ul>	<p>«Մասնակցային դպրոց» կրթական հիմնադրամ Վահրամ Սողոմոնյան <a href="mailto:masnakcayindproc@gmail.com">masnakcayindproc@gmail.com</a> +37493581908</p>
<p><b>Հետազոտության թեմա/վերնագիր</b></p> <ul style="list-style-type: none"> <li>• Հետազոտության թեմա</li> </ul>	<p>Մշակութային և լեզվական գրագիտություն կարողունակությունների ձևավորումը Մայրենիի «Մեր լավաշ հացը» թեմայի («Երգ ու տաղ» բաժին) դասավանդման ընթացքում</p>
<p><b>Ուսուցչի տվյալներ</b></p> <ul style="list-style-type: none"> <li>• Անուն, ազգանուն, հայրանուն</li> <li>• Մասնագիտություն</li> <li>• Հեռախոս</li> <li>• Էլ. հասցե</li> <li>• Դասավանդվող առարկաներ</li> <li>• Դասարաններ</li> </ul>	<p>Սոնա Կնյազյան Աշոտի</p> <p>Հայոց լեզվի և գրականության ուսուցչուհի +37493587556 <a href="mailto:sonaknyazyan734@gmail.com">sonaknyazyan734@gmail.com</a> <a href="mailto:knyazyansona@mail.ru">knyazyansona@mail.ru</a></p> <p>Մայրենի, Հայոց լեզու, Գրականություն V-XII</p>

**Ուսումնական  
հաստատության տվյալներ**

- Անվանումը, հասցե
- Հեռախոս
- Էլ. հասցե  
(տնօրենության)
- Web կայքի հասցե

Բյուրեղավանի Ս. Վարդանյանի անվան  
ավագ դպրոց

Ք. Բյուրեղավան, Կոտայքի 63

[byureghavanavag@gmail.com](mailto:byureghavanavag@gmail.com)

<https://byureghavanh.schoolsite.am/>

**Պետք է լինի 1-2 էջ**

## Բովանդակություն

Ներածություն	3
Հիմնական բովանդակություն	6
Հետազոտության ընթացքը 17	
Եզրակացություններ, առաջարկություններ	20
Այլ տեղեկություններ	22
Օգտագործված գրականության ցանկ	23
Հավելվածներ	24-34

**1 էջ**

# Ներածություն

<p><b>Նպատակը եւ հետազոտական հարցը</b></p>	<p><b>Հետազոտական աշխատանքի նպատակները</b></p> <p>Սահմանելով կարողունակություն (կոմպետենցիա)» եզրույթը, որը մանկավարժական գրականության մեջ սկսել է շրջանառվել անցած դարի 70-80-ական թվականներից. բարձր արդյունավետության հասած մարդկանց վարքի, գործունեության ուսումնասիրությունների արդյունքում ձևակերպված նրանց ընդհանրությունները միավորող որակների համալիրը, խումբն է կոչվում կոմպետենցիա, փորձենք հետազոտության միջոցով պարզել, ցույց տալ մեկ օրինակ՝ մայրենի առարկայի շրջանակներում ինչպես կարելի է նպաստել կարողունակությունների ձևավորմանը՝ նկատի ունենալով հետևյալ <b>խնդիրները.</b></p> <p>1.հանրակրթությունը պետք է ձևավորի այնպիսի կարողունակություններ, որոնք անհրաժեշտ են յուրաքանչյուր անհատի արագ փոփոխվող հասարակությունում հաջողությամբ կազմակերպելու իր առօրյա կյանքն ու գործունեությունը:</p> <p>2.Միայն նեղ առարկայական դաշտում գիտելիքների հաղորդումը և հմտությունների ձևավորումը բավարար չէ, այլ անհրաժեշտ է հանրակրթության նպատակների առավել լայն գիտակցում:</p> <p>3.Բոլորի համար պարտադիր պահանջների շարքում նեղառարկայական գիտելիքներից և գործնականում դրանք կիրառելու կարողություններից բացի, որոշիչ դեր են սկսում խաղալ համաափտանի</p>
--	---

	<p>կարողունակությունները, որոնք աստիճանաբար դառնում են համընդհանուր գրագիտության պարտադիր բաղադրատարրեր:</p> <p>4. Եվ առանձին առարկաների բովանդակության վրա կառուցված կրթական մոդելն իր դիրքերն արագորեն զիջում է առանցքային կարողունակությունների վրա հիմնված կրթական մոդելին:</p> <p>Չետագոտական աշխատանքի նպատակն է՝ ձևավորել կարողունակություններ մայրենիի դասաժամերին՝ 5-րդ դասարանի սովորողների համար կարողունակությունների ձևավորման մեթոդական երաշխավորություններից, ուսումնական գործունեության տարատեսակ ձևերից (ինչպիսիք են՝ բանավեճը, ուսումնական ֆիլմերի դիտումը և քննարկումը, սեմինարները, դպրոցական գիտաժողովները, ներկայացումները և այլն), ընտրելով էքսկուրսիան:</p> <p><b>Չետագոտական աշխատանքի հարցը</b></p> <p>Ինչպե՞ս զարգացնել մշակութային, լեզվական գրագիտություն կարողունակությունները մայրենիի դասաժամերին</p>
<p><b>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</b></p>	<p>Նպատակի ուսումնասիրությունն ուղղված է հետևյալ կարողունակություններին /կոմպետենցիաներին/.</p> <ul style="list-style-type: none"> <li>• լեզվական գրագիտություն և կարողունակություն,</li> <li>• մշակութային կարողունակություն,</li> </ul>

	<ul style="list-style-type: none"> <li>ինքնաճանաչողական և սոցիալական կարողունակություն</li> </ul>
<b>Չետագոտության թիրախային խումբը և շրջանակը /քանակ, սեռային բաշխում/</b>	5-րդ դասարան 34 սովորող (15տղա, 19աղջիկ)
<b>Օգտագործված հետազոտական մեթոդները, գործիքները (օրինակ՝ քանական հետազոտություն՝ հարցաթերթիկի միջոցով, որական հետազոտություն՝ խորին հարցազրույցի միջոցով եւ այլն)</b>	Չետագոտական աշխատանքը իրականացվել է դիտարկման մեթոդով
<b>Չետագոտության իրականացման ժամանակահատվածը</b>	29.09 2023 թվա կան

1-2 էջ

# Հիմնական բովանդակություն


## Գրականության ակնարկ

- Մեջբերումներ արդեն արված հետազոտություններից,
- Մեջբերումներ գրականությունից, տեղեկության վստահելի աղբյուրներից:

## Պարտադիր է կատարել հղում աղբյուրին

## Կարողունակությունը

անհատի համալիր բնութագրիչ է. այն գիտելիքների, հմտությունների, վերաբերմունքի և արժեքների համակարգ է, որը թույլ է տալիս այս կամ այն ոլորտում հաջողությամբ լուծելու որոշակի խնդիրներ: Համաձայն այս սահմանման՝ եթե որևէ մեկը հավակնում է կարողունակ լինել որևէ բնագավառում, ապա նա պետք է տիրապետի այդ բնագավառին բնորոշ որոշակի **գիտելիքների, հմուտ** լինի այդ բնագավառում որոշակի գործունեություն ծավալելու, պետք է ունենա **արժեքային որոշակի համակարգ** և կարողանա իր **դիրքորոշումն** արտահայտել այդ բնագավառի որոշակի հարցադրումների, երևույթների վերաբերյալ:



Կարողունակությունը նշված բոլոր չորս որակների համատեղ առկայությունն է (գծապատկեր 1), և դրանցից որևէ մեկի բացակայությունը թույլ չի տալիս սովորողին

կամ քաղաքացուն հաշտողությամբ լուծելու իր առջև ծառայած խնդիրները:

Կարողունակությունը չի կարելի համարել վերջնականորեն ձևավորված որևէ արդյունք: Վերջինիս ձևավորումն անընդհատ գործընթաց է, որի ժամանակ այն անընդհատ կարող են կատարելագործվել:

Կարողունակությունների ձևավորումը սկսում է վաղ մանկությունից և շարունակվում է ամբողջ կյանքի ընթացքում:

Միջնակարգ կրթության կարողունակությունները ձևավորվում են սովորողի ուսումնառության ընթացքում ուսուցման կազմակերպման տարբեր ձևերի, սովորողի կողմից ուսումնական առարկաների ծրագրերի բովանդակության յուրացման, ինչպես նաև ուսուցման գործընթացում դաստիարակության միջոցով և բխում են հանրակրթության հիմնական նպատակներից

<https://www.arlis.am/documentview.aspx?docid=149788>

### **Ջանրակրթության պետական**

### **չափորոշիչը ելնում է**

### **կարողունակությունների վրա**

### **հիմնված մոտեցումից** և սահմանում է

շրջանավարտներին ներկայացվող որակական պահանջները՝ ըստ կրթական աստիճանների (կարողունակություններ (կոմպետենցիաներ) և ըստ կրթական աստիճանների ուսումնառության՝ ակնկալվող վերջնարդյունքներ), ուսումնական բնագավառները, դրանց բովանդակությանը ներկայացվող պահանջները, հանրակրթական հիմնական ծրագրերի բովանդակության պարտադիր նվազագույնը, ուսումնական պլանի և առարկայացանկերի ձևավորման հիմնական սկզբունքները, սովորողների գնահատման ձևերը, սանդղակը, հաշվառման կարգը:

## Կարողունակությունները որպես հանրակրթության նոր չափորոշիչի հենասյուներ

Հանրակրթության պետական նոր չափորոշիչով որպես հանրակրթության գերագույն նպատակ սահմանվել է ութ առանցքային կարողունակությունների ձևավորումը.

- 1) լեզվական գրագիտություն և կարողունակություն,
- 2) սովորել սովորելու կարողունակություն,
- 3) ինքնաճանաչողական և սոցիալական կարողունակություն,
- 4) ժողովրդավարական և քաղաքացիական կարողունակություն,
- 5) թվային և մեդիա կարողունակություն,
- 6) մշակութային կարողունակություն,
- 7) մաթեմատիկական և գիտատեխնիկական կարողունակություն,
- 8) տնտեսական կարողունակություն:

### Սովորել սովորելու կարողունակություն

New Activity





Ինքնաճանաչողություն և սոցիալական կարողունակություն

New Activity

Մշակութային կարողունակություն

New Activity

Տնտեսական կարողունակություն

New Activity

Թվային և մեդիա կարողունակություն

New Activity

Լեզվական գրագիտություն և կարողունակություն

New Activity


Ժողովրդավարական և քաղաքացիական կարողունակություն

New Activity

Մաթեմատիկական և  
գիտատեխնիկական  
կարողունակություն

New Activity

Հանրակրթության պետական նոր  
չափորոշիչի հիմքում ընկած է  
կարողունակությունների վրա հիմնված  
մոտեցումը: Կրթության բովանդակությունը  
կառուցվում է համաձայն հետևյալ  
ստորակարգային սխեմայի (գծապատկեր 2):



Գծապատկեր 2

Այնուհետև ձևակերպվել են դպրոցի տարբեր աստիճանների շրջանավարտի ուսումնառության ակնկալվող վերջնարդյունքները: Դրանք այն վերջնարդյունքներն են, որոնք կոչված են ձևավորելու առանցքային կարողունակությունները:

Հանրակրթության պետական չափորոշչով սահմանված 8 կարողունակություններից է

**Լեզվական գրագիտությունը և կարողունակությունը, այն է.**

«Սովորողները տիրապետում են հայոց լեզվին, գրավոր և բանավոր կերպով գրագետ հաղորդակցվում են մայրենի լեզվով և այլ օտար լեզուներով՝ ըստ լեզվական կանոնների և իրավիճակների: Նրանք կիրառում են լեզուն՝ որպես ուսումնառության և հասարակական կյանքին մասնակցության համապիտանի գործիք: Ընդհանուր գրագիտությունը կազմում է սովորելու և լեզվական հաղորդակցության հիմքը, որի հիման վրա կարող են ձևավորվել գրագիտության մյուս ձևերը (քաղաքացիական, բնապահպանական, տնտեսական, ֆինանսական, իրավական, առողջապահական, գիտատեխնիկական, թվային և այլն): Այն լիարժեք դրսևորվում է ոչ միայն բոլոր առարկաների ուսումնական գործընթացում, այլև մեր հասարակության բոլոր ոլորտներում: Հաճախ բազմաթիվ թյուրըմբռնումներ են առաջանում լեզվի ոչ գրագետ կիրառության պատճառով:

**Հանրակրթական պետական չափորոշչում մշակութային կարողունակությունը**

ներկայացվում է հետևյալ կերպ՝ Սովորողները ճանաչում են հայ մշակույթն ու մարդկային քաղաքակրթությունների

մշակութային բաղադրիչները՝ որպես մարդկային զգացմունքների և գործողությունների կողմնորոշիչներ: Նրանք արժևորում են սեփական ինքնությունը, ընտանիքի, համայնքի և պետության դերը, ունեն Յայաստանի աշխարհագրության, հասարակական-քաղաքական համակարգի և պատմության հիմնարար իմացություն:

Աշակերտները ձևավորում են սեփական նախասիրություններ ազգային և համաշխարհային մշակութային ժամանակաշրջանների ուսումնասիրության ընթացքում:

Նրանք ի վիճակի են զարգացնել սեփական մշակութային ու գեղագիտական պատկերացումները՝ արժևորելով հոգևոր և նյութական ժառանգությունն ու մշակութային բազմազանությունը, ճանաչելով հայ և համաշխարհային գրականությունն ու արվեստը և ձևավորելով մշակութային գրագիտություն և ճաշակ: (ՀԴԶ 2021, (II, 3-րդ կետ)

<https://www.arlis.am/documentview.aspx?docid=149788>

Ոչ ոք չի կարող դատել ուրիշների մասին, քանի դեռ չի սովորել դատել ինքն իր մասին: Ի. ԳՅՈԹԵ

### **«Ինքնաճանաչողական և սոցիալական**

**կարողունակություն** - Սովորողներն ընդունակ են ինքնանդրադարձման և ինքնակազմակերպման միջոցով ձգտել ինքնաճանաչման: Նրանք ձևավորում են վստահություն սեփական ուժերի և կյանքի հանդեպ և հաջողությամբ կառավարում են սեփական ժամանակը, գիտելիքներն ու հմտությունները, կարողանում են դրսևորել


առողջ և անվտանգ կենսակերպ, ինչպես նաև մասնագիտական կողմնորոշում:

Սովորողները դրսևորում են հարգանք, ազնվություն և պատասխանատվություն ինչպես սեփական անձի, այնպես էլ այլոց հանդեպ՝ անկախ տարիքից, սեռից, ազգությունից, բարեկեցության աստիճանից, արտաքին տեսքից, ընդունակություններից, մասնագիտությունից, համոզմունքներից և այլ առանձնահատկություններից: Նրանք սոցիալական հարաբերություններում գործում են կառուցողական և համերաշխ, դրսևորում են ընկերակցելու ունակություն և կոնֆլիկտների խաղաղ և համագործակցային կարգավորման հմտություններ: Տարբեր մշակույթների, կրոնների, աշխարհայացքների և կյանքի կազմակերպման անհատական պատկերացումների հետ առնչվելու արդյունքում սովորողներն ընդունակ են ճանաչել դրանց տարբերությունները:»

Ինքնագիտակցությունը աշխարհի մասին վստահելի գիտելիքների միակ աղբյուրն է, կարծում էր Ռ. Դեկարտը: «Cogito ergo sum» («Ես կարծում եմ, հետևաբար ես գոյություն ունեմ»):

Որպեսզի կարողանանք հնարավորինս արդյունավետ լինել, օգտվել մեր անձնային որակներից, կարողանանք լուծել մեր ներանձնային կոնֆլիկտները, կառուցել սեփական արժեհամակարգը և փոխհարաբերությունները, պետք է հնարավորինս լավ ճանաչենք մեզ: Եվ այն պետք է սկսել վաղ մանկությունից: Ներքին ես-ի գիտակցումը հետաքրքիր է նաև նրանով, որ անձը միաժամանակ հանդիսանում է ուսումնասիրման և՛ օբյեկտ և՛ սուբյեկտ:

Ինքնաճանաչումն ու ինքնագիտակցությունը նաև կարևոր նախապայման են արդյունավետ հաղորդակցվելու, իր և շրջապատողների զգացմունքներն ու դրանց դրսևորումները հասկանալու, համագործակցելու և սոցիալական որակյալ վարք դրսևորելու համար:



Այս ամենը բերում է ուրիշների կարծիքը լսելուն և հարգելուն, տարածայնությունները խաղաղ կարգավորել կարողանալուն, փոխօգնության, փոխադարձ վստահության նշանակությունը գիտակցելուն:

Համագործակցության վրա հիմնված ուսուցման արդյունքում անձը հասարակությունն ընկալում է որպես փոխկապակցված համակարգ, ոչ թե առանձին անհատների խումբ: Տեսնում է, որ այդ համակարգում յուրաքանչյուրի գործողություններն ազդում են մյուսների գործողությունների վրա և, համապատասխանաբար, ազդեցություն են կրում վերջիններիս գործողություններից:

Այսօրվա կրթական պահանջն է զարգացնել սովորողի քննադատական, ստեղծագործական մտածողությունը,

ձևավորել կյանքի նկատմամբ ակտիվ վերաբերմունք ունեցող քաղաքացի: Եվ այս խնդրի առջև կանգնած ուսուցիչը պետք է կարողանա համահունչ քայլել կրթական համակարգում տեղի ունեցող գործընթացների հետ և իր գործողությունները պլանավորելիս հաշվի առնել ոչ միայն մատուցվող գիտելիքները, այլև այն թե ինչպես կարելի է այդ գիտելիքները հասանելի դարձնել աշակերտներին: Կրթական ոլորտի կարևոր, բաղկացուցիչ մասն են կազմում մանկավարժական տեխնոլոգիաները այսօր բոլորը խոսում են արդյունավետ ուսուցման և կրթության որակի բարելավման մասին: Ներկայումս կարևորվում է աշակերտների ակտիվ և նախաձեռնողական մասնակցությունը դասին, ինքնուրույնությունը, սեփական դատողություններ անելու կարողությունն ու հմտությունը: Ուսումնական գործընթացի արդյունավետությունը մեծապես պայմանավորված է կիրառվող մեթոդներով, որոնք ապահովում են դասավանդողի և սովորողի փոխկապակցված գործունեությունը: Լայնորեն կիրառվում են նաև ուսուցման հնար կամ եղանակ հասկացությունները, որոնք կարելի է բնութագրել հետևյալ սահմանումներով՝

Ուսուցման մեթոդները ուսուցչի և սովորողի միասնական աշխատանքներն են, որով իրականացվում են կրթական նպատակները:

Ուսուցման մեթոդները ուսուցչի և սովորողի համատեղ գործունեությունն են, որոնց արդյունքում սովորողը ձեռք է բերում գիտելիքներ, կարողություններ և հմտություններ, ձևավորվում է նրա աշխարհայացքը և ճանաչողությունը:

	<p>Ուսուցման մեթոդները մանկավարժի և սովորողի փոխկապակցված գործունեությունն են, որոնք կրթության, դաստիարակության և զարգացման խնդիրների իրականացման նպատակ ունեն: Չնայած տրված տարբեր սահմանումներին՝ կա մեկ որոշակի ընդհանրություն. ուսուցման մեթոդները մանկավարժի և սովորողի համատեղ աշխատանքն են ուսումնական գործունեություն կազմակերպելու նպատակով: Ուսուցման և դաստիարակության գործում ծագած խնդիրների լուծման կարևորագույն ուղիներից մեկը համարվում է ժամանակակից մանկավարժական և դաստիարակչական տեխնոլոգիաների մշակումն ու ներդրումը ուսուցման և դաստիարակության գործընթացում: Соловьёва Т. И., Современные педагогические технологии в начальной школе, Молодой учёный, Ежемесячный научный журнал, № 6 (86) / 2015, стр. 684</p>
<p><b>Հետազոտության ընթացքը</b></p>	<p>Ուսուցման արդյունավետ մեթոդներ գտա Ս. Խաչատրյանի «Ուսուցման արդյունավետ հնարներ» գրքում.  «Ինտերակտիվ մոտեցումներն անհրաժեշտ են աշակերտներին մոտիվացնելու, ուսուցումը հետաքրքիր ու մասնակցային դարձնելու համար: Բայց այդ ամենը չեն բացառում նաև ավանդական մոտեցումների օգտագործումը: Հարց ու պատասխանը, նյութը վերհիշելը, վարժանքները, ուսուցչի բացատրական խոսքը այսօր էլ կարևոր են ու անհրաժեշտ ուսուցման համար: Բացի այդ՝ ինտերակտիվ ուսուցումն ունի որոշակի</p>



ռիսկեր, որոնք անտեսել չի կարելի:  
Ջետուաբար՝ նոր մանկավարժության մեջ  
չպետք է լինեն մեթոդների և հնարների  
հակադրում: Բոլոր մեթոդներն ու հնարները  
ինչ-որ իրավիճակում կարող են օգտակար  
լինել: Ուսուցման մեթոդները հաճախ  
ընկալվում են որպես դեղատոմս: Երբեմն  
նշվում է, որ այս կամ այն մեթոդը  
կիրառելու դեպքում մենք կկարողանանք  
հասնել մեր նպատակին»:

Ուսուցման պլանավորման փուլում օգտվեցի  
Նան Միլլերի աստիճանակարգումից, որը  
Ջայաստանում մեծ տարածում չունի: Բայց  
այն շատ կարևոր է գիտելիքը վարքագիծ  
դարձնելու առումով: Առաջին մակարդակում  
սովորողը պարզապես գիտի: Գիտենալը  
ուսուցման հիմքն է: Բայց սա բավարար չէ:  
Կարևոր է գիտելիքը օպերացիոն դարձնելը:  
Այս առումով երկրորդ մակարդակում  
սովորողը պետք է գիտելիքը գործողության  
մեջ դնի և իմանա՝ ինչպե՞ս, այսինքն՝  
հասկանա: Երրորդ մակարդակում սովորողը  
պետք է կարողանա ցույց տալ՝ ինչպե՞ս:  
Վերջապես չորրորդ մակարդակում պետք է  
կարողանա կիրառել: Եթե ուսուցման  
գործընթացում սովորողն անցնի չորս  
փուլերով, ապա կարելի է ասել, որ նա  
լիարժեք սովորել է նյութը:

Մայրենի առարկայի դասավանդման  
ընթացքում նկատի ունենալով այս  
կարողունակությունների ձևավորման  
սկզբունքները և տեսլականը, հաջող դաս  
իրականացնելու համար ուսուցման  
ավանդական մեթոդների կողքին կիրառել  
եմ նաև ինտերակտիվ մեթոդներ:

Դասի սկիզբ

Մասնակցային լավագույն մեթոդով՝ մտագրոհով սկսեցի դասը: Մտագրոհի միջոցով դասարանից հավաքեցի մտքեր տվյալ թեմայի՝ «Մեր լավաշ հացի» վերաբերյալ.

1. Երբևէ տեսե՞լ եմ լավաշի ստեղծման ընթացքը:
2. Ի՞նչ գիտեմ լավաշի մասին, որպես մշակութային ժառանգություն:
3. Լսե՞լ եմ ՅՈՒՆԵՍԿՕ-ի մասին:

### Նոր նյութի բացատրում

Պատմեցի՝ ՅՈՒՆԵՍԿՕ-ի մարդկության ոչ նյութական մշակութային ժառանգության ներկայացուցչական ցանկում Հայաստանի կողմից ներկայացված «Լավաշ. ավանդական հացի պատրաստման, նշանակության եւ մշակութային դրսևորումների» ներառված լինելու մասին:

<https://armenpress.am/arm/news/785546>

Մեկնաբանեցի « Մեր լավաշ հացը մեր սրբությունն է» տողը: Սովորողները, իմ հարցերի օգնությամբ, գտան և բանաստեղծությունից դուրս բերեցին այն բառերը, որոնցով հեղինակը բնութագրել էր լավաշը. (մեր լավաշ հացը *մեր պարզությունն է, մեր պատմությունն է, մեր տրտմությունն է, մեր էությունն է, մեր Հաց-հավատը* աղոթք ու նշխար...) Հացով բառեր և բառակապակցություններ կազմեցինք:

### Ինտերակտիվ փուլ

Սովորողները մասնակցեցին լավաշի թխմանը: Անձամբ մասնակից դարձան հացի արարման ընթացքին: Ապա համտեսեցին իրենց թխած հացը. հյուրընկալվել էինք «Մամիկ» հյուրատանը:

## Սովորածը պարզելու հնարներ

Դասի ավարտին կիրառեցի  
Կիսատ նախադասություն մեթոդը



Բերված կիսատ նախադասությունների լրացումն օգնեց աշակերտներին ամփոփել դասը: Աշակերտները հնարավորություն ունեցան իրենց ցանկությամբ ընտրել այն կիսատ նախադասությունները, որոնք կուզեին ավարտել և ընտրեցին 5 հարց. Ես այսօր սովորեցի...

Ինձ այսօր զամացրեց...

Ինձ ամենաշատը դուր եկավ...

Մի բան, որ կուզեի ավելի իմանալ...

Այս դասից հետո ես զգում եմ...

Ուսուցման ակտիվ մեթոդների կիրառումը ուղղված է առաջնային գիտելիքի ձեռքբերմանը, մտածողության զարգացմանը, լեզվական հմտությունների, մշակութային հետաքրքրությունների, ինքնաճանաչողական ու սոցիալական կարողունակությունների ձևավորմանը:

## Եզրակացություններ, առաջարկություններ

**Վերհանված արդյունքներ, եզրակացություններ, պատասխան հետազոտական հարցին**

Չետազոտական աշխատանքի արդյունքների վերլուծությամբ եկել ենք հետևյալ եզրակացությունների.

ինտերակտիվ (փոխներգործուն) մեթոդները նպաստում են սովորողի լեզվական գրագիտության և կարողունակության, մշակութային, ինքնաճանաչողական և սոցիալական կարողունակությունների և հմտությունների ձևավորմանը: Նպաստելով հաղորդակցական, ինքնուրույն գործունեության որակներին, նաև բարձրացնում են սովորողների ուշադրությունը և առաջադիմությունը:

**ինտերակտիվ** (փոխներգործուն) մեթոդները Մայրենիի («Երգ ու տաղ» բաժնի) «Մեր լավաշ հացը» թեմայի դասավանդման ընթացքում կարող են արդյունավետ կիրառվել ու նպաստել սովորողների մշակութային, լեզվական գրագիտության, ինքնաճանաչողական կարողությունների ու հմտությունների ձևավորմանն ու զարգացմանը: Այս մեթոդները ավանդական մեթոդների հետ միասին ուսուցումը դարձնում են ավելի ճկուն, ապահովում ուսուցման արդյունավետության բարձրացումը:

	<p>Պատասխան հետազոտական հարցին  Մայրենիի դասաժամերին մշակութային, լեզվական գրագիտություն կարողունակությունները զարգացնելու լավագույն միջոց է ինտերակտիվ փոխներգործուն մեթոդներով պլանավորված դասերը:  Այդպիսի դասերին ակտիվորեն մասնակցում են բոլոր աշակերտները, որովհետև այդ դասերը հետաքրքիր են, մատչելի, գրավիչ: Նպաստում են ուսումնական նյութի հեշտ յուրացմանը, ինչպես նաև, սովորողները կարողանում են ձեռք բերած գիտելիքները, կարողունակությունները և հմտությունները կիրառել գործնականում:</p>
<p><b>Այլ տեղեկատվություն</b></p>	<p>Դասի թեման էր՝ «Երգ ու տաղ բաժնի» հայկական բանաստեղծության հնագույն նմուշներ («Վահագնի ծնունդից»), թե ինչպես են ստեղծվել և մեզ հասել,  <b>«Մեր լավաշ հացը»</b> բանաստեղծությունը (հեղ. Անահիտ Պարսամյան):  Դասն անցկացվեց «Մամիկ» հյուրատանը: <a href="https://www.facebook.com/mamikguesthouse">https://www.facebook.com &gt; mamikguesthouse</a>  Սովորողները, ազգագրագետների մատուցմանը, լսեցին նաև ժողովրդական խաղիկներ, երգեր ու տաղեր, առած-ասացվածքներ: Ունկնդրեցին ազգային երգ-խաղիկները, դրանց միջոցով ծանոթացան հայկական բանահյուսական ժառանգության արժեքներին, սովորեցին:  Սովորողները մասնակցեցին լավաշի թխմանը, ապա համոտեսեցին իրենց թխած</p>

հացը՝ մի կտոր արթուն հուշ տանելով  
հայկական մշակութային ժառանգության  
հարուստ անդաստանից: Սովորողները  
հաղորդակից դարձան ազգային մշակույթին,  
սովորություններին, երգին, խոհանոցին,  
կենցաղին, տարազին, տեսան մառանը,  
թոնրատունը:  
Ինտերակտիվ դասը հաջողված էր,  
բովանդակալից և բարձր  
արդյունավետությամբ, իսկ փորձը՝ ուսանելի  
և կիրառելի:

**1-2 էջ**

# Օգտագործված գրականության ցանկ

1. Ս. Խաչատրյան «Ուսուցման արդյունավետ հնարներ»
2. Соловьёва Т. И., Современные педагогические технологии в начальной школе, Молодой учёный, Ежемесячный научный журнал, № 6 (86) / 2015, стр. 684  
<https://www.arlis.am/documentview.aspx?docid=149788>  
<https://armenpress.am/arm/news/785546>  
<https://www.facebook.com/mamikguesthouse>

**1 էջ**

# Հավելվածներ

## Հաշվետվության կցված նյութեր

- Հետազոտության գործիքներ (հարցաթերթիկներ կամ այլ)
- Նկարներ
- Արդյունքներ

















**Ընդգրկված չեն հիմնական էջերի մեջ**